

四庫全書

集部

欽定四庫全書

集部

蘆川歸來集卷五

六五

詳校官庶子臣朱紱

主事臣呂雲棟覆勘

謄錄監生臣徐元秀

謄錄監生臣馮克鞏

欽定四庫全書

蘆川歸來集卷五

宋 張元幹 撰

詞

賀新郎

送胡邦衡待制赴新州

夢繞神州路。悵秋風、連營畫角。故宮離黍。底事崑崙傾
砥柱。九地黃流亂注。聚萬落、千村狐兔。天意從來高莫
問。況人情、老易悲難訴。更南浦、送君去。涼生岸柳催
殘暑。耿斜河、疎星淡月。斷雲微度。一作雨萬里江山知何

處回首對床夜語雁不到書成誰與目盡青天懷今古
肯兒曹恩怨相爾汝舉大白唱金縷

前調

寄李伯紀丞相

曳杖危樓去斗垂天滄波萬頃月流煙渚掃盡浮雲風
不定未放扁舟夜渡宿雁落寒蘆深處悵望關河空弔
影正人間鼻息鳴鼉鼓誰伴我醉中舞十年一夢揚
州路倚高寒愁生故國淚濺禾黍要斬樓蘭三尺劒遺
恨琵琶舊語漫暗澹一作拭銅華塵土喚取謫仙平章看

過茗溪尚許垂綸否風浩蕩欲飛一作輕舉

滿江紅

自豫章阻風
吳城山作

春水迷天桃花浪幾番風惡雲乍起遠山遮盡晚風還
作綠卷芳洲生杜若數帆帶雨烟中落傍向來沙嘴共
停橈傷飄泊寒猶在衾偏薄腸欲斷愁難着倚蓬牕
無寐引杯孤酌寒食清明都過却最憐輕負年時約想
小樓終日望歸舟人如削

蘭陵王

春恨

卷珠箔朝雨輕陰乍閣闌干外煙柳弄晴芳草侵階映
紅藥東風妬花惡吹落梢一作技頭嫩萼屏山掩沉水倦

熏中酒心情怕杯勺尋思舊京洛正年少踈狂歌笑

迷着障泥油壁催梳掠曾馳道同載上林攜手燈夜初

過早共約又爭信飄泊寂寞念行樂甚粉淡衣襟音

斷絃索瓊枝壁月春如昨悵別後華表那回雙鶴相思

除是向醉裏暫忘却

前調

綺霞散空碧留晴向晚東風裏天氣困人時節秋千閑
深院簾旌翠波颭影殘紅一線春光巧花臉柳腰勾
引芳菲鬧鶯燕 閑愁費消遣想蛾綠輕暈鸞鑑新怨
單衣欲試寒猶淺羞衾鳳空展塞鴻難託誰問潛寬舊
帶眼念人似天遠 迷戀畫堂宴看最樂王孫濃艷爭
勸蘭膏寶篆春宵短擁檀板低唱玉杯重煖衆中先醉
漫倚檻早夢見

念奴嬌

江天雨霽正露荷擎翠風槐搖綠試問秦樓今夜裏愁
到闌干幾曲笑撚黃花重題紅葉無奈歸期促暮雲千
里桂花初綻寒玉有誰伴我淒涼除分付與盃中醪
醪水本無情山又遠回首煙波雲木夢繞西園魂飛南
浦自古情難足舊遊何處落霞空映孤鷺

前調

丁卯上巳燕集葉尚書蕙
香堂賞海棠卽席賦之

蕊香深處逢上已生怕花飛紅雨萬點胭脂遮翠袖誰
識黃昏凝佇燒燭呈妝傳盃繞檻莫放春歸去垂絲無

語見人却似羞妒 修禊當時今日羣賢絃管裏英姿
如許寶曆羅衣應未有許多陽臺神女氣湧三山醉聽
五鼓休更分今古壺中天地大家著意留住

前調

代洛濱次
石林韻

吳淞初冷記垂虹南望殘日西沉秋入青冥三萬頃蟾
影吞盡湖陰玉斧為誰冰輪如許宮闕想寒深入間奇
觀古今豪士悲吟 蒼弁丹頰仙翁淮山風露底曾賦
幽尋老去專城仍好客時擁歌吹登臨坐揖龍江舉杯

相屬桂子落波心一聲猿嘯醉來虛籟千林

前調

題徐明叔海月吟笛圖

秋風萬里湛銀潢清影冰輪寒色八月靈槎乘興去織
女機邊為客山擁雞林江澄鴨綠四顧滄溟窄醉來橫
吹數聲悲憤誰測飄蕩貝闕珠宮羣龍驚睡起馮夷
波激雲氣蒼茫吟歎處鼉吼鯨奔天黑回首當時蓬萊
方丈好箇歸消息而今圖畫漫教千古傳得

前調

翫月

寒綃素壁露華濃
羣玉峯巒如洗
明鏡池開秋水淨
冷浸一天空
翠荷波生菰蒲風動
驚起魚龍戲山河影
裏十分光照人世
誰似老子癡頑
胡牀歌坐自引壺
觴醉醉裏悲歌歌未徹
屋角烏飛星墜對影三人停杯
一問誰解騎鯨意
玉京何處翠樓空鎖十二

前調

己卯中秋和
陳丈少卿韻

垂虹望極埽太虛
纖翳明河翻雪一碧
天光波萬頃湧
出廣寒宮闕好事浮家
不辭百里俱載如花
頰琴高雙

鯉鼎來同醉孤絕 浩蕩今夕風煙人間天上別似尋
常月陶冶三高千古恨賞我中秋清節八十仙翁雅宜
圖畫寫取橫江櫓平生奇觀夢回猶竦毛髮

石州慢

寒水依痕春意漸回沙際煙濶溪梅晴照生香冷蕊數
枝爭發天涯舊恨試看幾許消魂長亭門外山重疊不
盡眼中青是愁來時節 情切盡樓深閉想見東風暗
消肌雪辜負枕前雲雨樽前花月心期切處更有多少

淒涼慙慙留與歸時說到得再相逢恰經年離別

前調

已酉秋吳興舟中作

雨急雲飛驚散暮鴉微弄涼月誰家疎柳低迷幾點流
螢明滅夜帆風駛滿湖煙水蒼茫菰蒲零亂秋聲咽夢
斷酒醒時倚危檣清絕心折長庚光怒羣盜縱橫敵
人猖獗欲挽天河一洗中原膏血兩宮何處塞垣祗隔
長江唾壺空擊悲歌缺萬里想龍沙泣孤臣吳越

永遇樂

宿鷗盟軒

月仄金盆江縈羅帶涼颼天際摩詰丹青營丘平遠一
望窮千里白鷗盟在黃梁夢破投老此心如水耿無眠
披衣顧影乍聞遶堦絡緯百年倦客三生習氣今古
到頭誰是夜色蒼茫浮雲滅沒舉世方熟寐誰人着眼
放神八極逸想寄塵寰外獨凭闌鷄鳴日上海山霧起

前調

為洛濱
橫山作

飛觀橫空衆山繞甸江面相照曲檻披風虛簷掛月據
盡登臨要有時巾屨訪公良夜坐我半天林抄攬浮丘

飄飄衣袂相與似遊蓬島
主人勝度文章英妙合住
北扉西沼何事十年風灑
露沐不厭江山好曲屏端
有吹簫人在同倚暮雲清
曉乘除了人間寵辱付之一笑

八聲甘州

陪筠翁小酌橫山閣

倚凌空飛觀展營丘卧軸恍移時
漸微雲點綴參橫斗
轉野濶天垂草樹繁迴島嶼杳
靄數峯低共一樽明月
顧影為誰
俛仰乾坤今古正嫩涼生處
濃露初霏據
胡牀殘夜唯我與公知
念老去風流未減見向來人物

幾興衰身常健何妨遊戲莫問棲遲

前調

西湖有感
寄劉晦願

記當年共飲醉盡船搖碧
買花釵問蒼顏華髮煙蓑雨
笠何事重來看盡人情物態
冷眼只堪哈賴有西湖在
洗我塵埃
夜久波光山色閒
澹粧濃抹水鑑雲開更
潮頭千丈江海兩崔嵬
曉涼生荷香撲面灑天邊
風露逼襟懷誰同賞
通宵無寐斜月低回

水調歌頭

同徐師川泛
太湖舟中作

落景下青嶂，高浪卷滄洲。平生頗慣江海掀舞，水蘭舟。
百二山河空壯底，事中原，塵漲喪亂幾時休。澤畔行吟，
處天地一沙鷗。想元龍猶高卧，百尺樓，臨風酹酒堪
笑。談話覓封侯，老去英雄不見，惟與漁樵為伴。回首得
無憂。莫道三伏熱，便是五湖秋。

前調

和鄧林居
士中秋

閨餘有何好，一歲兩中秋。滕王高閣曾醉月，湧大江流。
今夜釣龍臺上，還是當時逢閨佳句，記英遊。看山兼看

月登閣復登樓 別離久今古恨大刀頭老來常是清
夢宛在舊神州遐想鄉林風味甕裏自傾春色不用貫
貂裘笑我成何事搔首漫私憂

前調

陪福帥讌集口
占以授官奴

縹緲九重閣壯觀在人間涼飈乍起四圍晴黛入闌干
已過中秋時候便是菊花重九為壽一樽歡今古登高
意玉帳正清閒 引三巴連五嶺控百蠻元戎小隊舊
遊曾記並龍山閩嶠尤寬南顧聞道天邊雨露持橐詔

新頌且擁笙歌醉廊廟更徐還

前調

平日幾經過重到更畱連黃塵烏帽覺來眼界忽醒然
望見如雲秋稼莫問雞蟲得失鴻鵠下翩翩四海九州
大何處著飛仙吸湖光吞蟾影倚天圓胸中萬頃空
曠清夜炯無眠要識世間閒處自有樽前深趣且唱釣
魚船調鼎他年事妙手看烹鮮

前調

雨斷翻驚浪山暝擁歸雲
麥秋天氣聊泛征棹泊江村
不羨腰間金印却愛吾廬
高枕無事閉柴門搔首烟波
上老去任乾坤白綸巾玉
麈尾一盃春性靈陶冶我
輩猶要箇中人莫變姓名
吳市且向漁樵爭席與世
共浮沉目送飛鴻去何用
畫麒麟

前調

露下菱歌遠螢傍藕花流
臨溪堂上望中依舊柳邊洲
晚暑冰肌沾汗新浴香綿
撲粉湘簾月華浮長記開
朱

戶不寐待歸舟 恍重來思往事攪離愁天涯何處未
應容易此生休莫問吳霜點鬢細與蠻牋封恨相見轉
綢繆雲雨陽臺夢河漢鵲橋秋

前調

癸酉虎丘中秋

萬里冰輪滿千丈玉盤浮廣寒宮殿西望湖海冷光流
掃盡長空纖翳散亂疎林清影風露迫人愁徐步行歌
去危坐闕眠休 問孤蓬緣底事苦淹留倦遊回首向來
雲卧兩星周此夜此生長好明月明年何處歸興在南

州老境一僖父異縣四中秋

前調

贈汪秀才

袖手看飛雪高卧過殘冬飄然底事春到先我逐孤鴻
挾取筆端風雨快寫胸中丘壑不肯下樊籠大笑了今
古樂興便西東一樽酒知何處又相逢奴星結柳與
君同送五家窮好是橘封千戶正恐樓高百尺湖海有
元龍目光在牛背馬耳射東風

前調

今夕定何夕秋水滿東甌悲涼懷抱何事還倍去年愁
萬里碧空如洗寒浸十分明月簾捲玉波流非是經年
別一歲兩中秋坐中庭風露下冷颼颼素娥無語相
對樽酒且遲留琴罷不堪幽怨遙想三山影外人倚夜
深樓矯首望霄漢雲海路悠悠

前調

為趙端
禮作

最樂賢王子今歲好中秋夜深珠履舉杯相屬盡名流
宿雨乍開銀漢洗出玉蟾秋色人在廣寒遊浩蕩山河

影偏照岳陽樓 露華濃君恩重判扶頭霓旌星節已
隨絲管下皇州滿座燭光花豔笑眉烏巾同醉誰問負
薪裘月轉簷牙曉高枕更無憂

前調

和追

舉手釣鰲客削跡種瓜侯重來吳會三伏行見五湖秋
耳畔風波搖蕩身外功名飄忽何路近螭頭孤負男兒
志悵望故園愁 夢中原揮老淚遍南州元龍湖海豪
氣百尺卧高樓短髮霜黏兩鬢清夜盃傾一雨喜聽瓦

鳴溝猶有壯心在付與百川流

前調

罷秩後漫興

放浪形骸外憔悴山澤癯倒冠落佩此心不待白髭鬚聊
復脫身鵷鷺未暇先尋水竹矯首漢廷疏長夏啖丹荔
兩紀傲閒居忽風飄連雨打向西湖藕花深處尚能
同載麴生無聽子談天舌本澆我書空習次醉臥踏水
壺畢竟凌煙像何似輞川圖

前調

丁卯春與鍾離少翁張元鑒登垂虹

拄策松江上舉酒酹三高此生飄蕩往來身世兩徒勞
長羨五湖煙艇好是秋風鱸膾笠澤久蓬蒿想像英靈
在千古傲雲濤俯滄波吞空曠恍神交解衣盤礴政
須一笑屬吾曹洗盡人間塵土掃去胸中冰炭痛飲讀
離騷縱有垂天翼何用釣連鰲

前調

送呂居仁召
赴行在所

戎馬跡中夏星歷一周天干戈未定悲咤河洛尚顛連
萬里兩宮無路政仰君王神武願數中興年吾道尊洙

泗何暇議伊川 呂公子三世相在凌烟詩名獨步馬
用兒輩更毛箋好去承明讜論照映金絨帶摠恩與荔
枝偏回首東山路池閣醉雙蓮

風流子

政和間過延平雙
谿閣落成席上賦

飛觀挿雕梁憑虛起縹緲五雲鄉對山滴翠嵐兩眉濃
黛水分雙派滿眼波光曲欄外汀煙輕冉冉莎草細茫
茫無數釣舟最宜煙雨有如圖畫渾似瀟湘 使君行
樂處秦箏弄哀怨雲鬢分行心醉一缸春色滿座凝香

有天涯倦客樽前回首聽徹伊州惱損柔腸不似碧潭
雙劍猶解相將

魚遊春水

芳洲生蘋芷宿雨收晴浮暖翠烟光如洗幾片花飛點
淚清鏡空餘白髮添新恨誰傳紅綾寄溪漲岸痕浪吞
沙尾老去情懷易醉十二闌干慵遍倚雙鳬人慣風
流功名萬里夢想濃粧碧雲邊目斷歸帆夕陽裏何時
送客更臨春水

寶鼎現

筠翁李似之作此詞見招因賦其事使歌之者想像風味如到山中

山莊圖畫錦囊吟詠習中丘壑年少日如虹豪氣吐鳳
詞華渾忘却便袖手向巖前溪畔種滿煙梢霧籜想別
墅平泉當時草木風流如昨瘦藤閑倚看鋤藥雙芒
鞋雨後常著目送處飛鴻滅沒誰問蓬蒿爭燕雀乍霽
月望松雲南渡短艇歌沙夜泊正萬里青冥千林虛籟
從渠螭繳携幼尚有筠丁誰會得人生行樂岸幘綸
巾歸去深戶香迷翠幕恐未免上凌煙閣好在秋天鶚

念小山叢桂今宵狂客不勝杯勺

祝英臺近

枕霞紅釵燕墜花露殢雲髻粉淡香殘猶帶宿醒睡畫
簷紅日三竿慵窺鸞鑑長是倚春風無力 又經歲玉
腕條脫輕鬆羞郎見憔悴何事秋來容易又分袂可堪
踈雨梧桐空階絡緯背人處偷彈珠淚

朝中措

次聰父韻

花陰如坐木蘭船風露正涓涓翠蓋匝庭芳影青蛟平

地飛涎 春撩狂興香迷痛飲中
聖中賢攜取一枝同
夢從他五夜如年

蝶戀花

窗暗窗明昏又曉
百歲光陰老去難重少
四十歸來猶
賴早浮名浮利都經了
時把青銅閒自照
華髮蒼顏
一任旁人笑
不會參禪并學道
但知心下無煩惱

前調

燕去鶯來春又到
花落花開幾度池塘草
歌舞筵中人

易老閉門打坐安閒好 敗意常多如意少著甚來由
入關尋煩惱千古是非渾忘了有時獨自掀髯笑

沁園春

紹興丁巳五月六夜夢與一
道人對歌數曲遂成此詞

神水華池汞凝結虎龍往來問子前午後陽銷陰長
自然爐鼎何用安排靈寶玄門煙蘿真境三日庚生兌
戶開泥丸透盡周天火候平步仙階 蓬萊直上瑤臺
看海變桑田飛暮埃念塵勞良苦流光易度明珠誰
得白骨成堆位極人臣功高今古總蹈危機吞禍胎爭

知我辦青鞵布鞵鴈蕩天台

前調

漫興

欹枕深軒散帙虛堂畏景屢移漸披襟臨水搯床就月
蓮香拂面竹色侵衣壓玉為醪折荷當醖卧看銀潢星
四垂人歸後任飢蟬自嘯宿鳥相依 癡兒莫蹈危機
悟三十九年多盡非任紆朱拖紫圍金佩玉青錢流地
白璧如坻富貴浮雲身名零露事事無心歸便歸秋風
動正吳淞月冷蓴長鱸肥

臨江仙

送王叔濟

玉立清標消晚暑。胃中一段冰壺。畫船歸去醉歌姝。微雲收未盡。殘月炯如初。鴛鴦行間催濶步。秋來乘興。鳬趨煩君。為我問西湖。不知疎影畔。許我結茅無。

前調

茶蘼有感

鶯喚屏山驚睡起。嬌多須要郎扶。茶蘼斗帳罷薰爐。翠穿珠落索。香泛玉流蘇。長記枕痕銷醉色。日高猶倦粧梳。一枝春瘦想如初。夢迷芳草路。望斷素鱗書。

前調

趙端禮重陽後一日置酒坐上賦

十日籬邊猶袖手
天教冷地藏香
王孫風味最難忘
逃禪留坐客
度曲出宮粧
判却為花今夜醉
大家且泛鵝黃
人心休更問
炎涼從渠簪髮短
還我引杯長

前調

送宇文德和被召赴行在所

露坐榕陰須痛飲
從渠疊鼓頻催
暮山新月兩徘徊
離愁秋水遠
醉眼曉帆開
泛宅浮家遊戲去
流行坎止忘懷
江邊鷗鷺莫相猜
上林消息好
鴻雁已歸來

醉落魄

浮家泛宅舊遊記
雲溪蹤跡此生已是天涯隔投老誰
知還作三吳客
故人怪我疎髯黑
醉來猶似丁年日
光陰未肯成虛擲
蜀魄聲中著處有春色

前調

綠枝紅萼江南芳
信年年約竹輿路轉溪橋角
晴日烘
香的躑躅籬落
玉臺粉面鉛華薄
畫堂長記深羅幕
惜花老去情猶着
客裏驚春生怕東風惡

前調

一枝冰萼鬢雲低度橫波約醉扶曾冒烏巾角長是春
來腸斷寶釵落羅衣乍怯春風薄夜深花困遮垂幕
不堪往事尋思着休問尊前客惡主人惡

前調

雲鴻影落風吹小艇歌沙泊津亭古木濃陰合一枕灘
聲客睡何曾著天涯萬里情懷惡年華垂暮還離索
佳人想見猜疑錯莫數歸期已負當年約

欽定四庫全書

蘆川歸來集卷六

宋 張元幹 撰

詞

南歌子

中秋

涼月今宵滿
晴空萬里寬
素娥應念老夫閑
特地中秋
著意照人間
香霧雲鬟濕
清輝玉臂寒
休教凝佇向
更闌
飄下桂花開
早大家看

前調

遠樹留殘雪寒江照晚晴分明江上數峯青倚檻傷愁
新恨一時生春意來無際歸舟去有程道人元自沒
心情楚夢只因沈醉等閑成

前調

秋夜懷歸

玉露團寒菊秋風入敗荷繚牆南畔曲池渦天迴遙岑
倒影落層波月轉簷牙短更傳漏箭多醉來歸去意
如何只為地偏心遠慣絃歌

前調

桂魄芬餘暈檀香破紫心
高髻鬆綰鬢雲侵又被蘭膏
香染色沈沈指印纖纖粉
釵橫隱隱金更闌雲雨鳳
帷深長是枕前不見殢人尋

卜算子

梅

的皜數枝斜冰雪縈餘態
燭外尊前滿眼春風味年年
在老去惜花深醉裏愁無賴
蕊孤芳底處愁少箇
人兒戴

前調

涼氣入熏籠暗影歌花砌紫玉誰人三弄寒吹斷江梅
意花底濕春衣隔坐風輕遞却笑笙簫緜嶺人明月
偷垂淚

前調

風露濕行雲沙水迷歸艇臥看明河月滿空斗挂蒼山
頂萬古只青天多事悲人境起舞聞雞酒未醒潮落
秋江冷

前調

芳信看寒梢影入花光畫玉立風前萬里春雪豔江天
夜誰折暗香來故把新驚鴻記得恨人並照時鬢亂
斜枝惹

浣溪沙

夜坐

曲室明牕燭吐光
瓦爐灰煖炷飄香
夜闌茗椀間飛觴
坐穩蒲團憑几熏
餘紙帳掩藜床
箇中風味更難忘

前調

一枕秋風雨處涼
雨聲初歇漏聲長
池塘零落藕花香
歸夢等閑歸燕去
斷腸分付斷雲行
畫屏今夜更思量

前調

王仲時席上賦木樨

翡翠釵頭綴玉蟲
秋蟾飄下廣寒宮
數枝金粟露華濃
花底清歌生皓齒
燭邊疎影映酥胸
惱人風味冷香中

中

前調

武林送李似表

燕掠風檣款款飛
艷桃濃李鬧長堤
騎鯨人去曉鶯啼
可意湖山留我住
斷腸煙水送君歸
三春不是別離

時

前調

夏日雨
後漫興

雲氣吞江卷夕陽
白頭波浪電飛忙
奔雷驚雨濺胡床
玉節故人同壯觀
錦囊公子更平章
榕陰歸夢十分涼

前調

山繞平湖波撼城湖光倒影浸山青水晶樓下欲三更
霧柳暗時雲度月露荷翻處水流螢蕭蕭散髮到天

明

前調

目送歸舟鐵甕城隔江想見蜀山青風前團扇僕頻更
夢裏有時身化鶴人間無數草為螢此時山月下樓

明

前調

舊水薇

月轉花枝清影踈露華濃處滴真珠天香遺恨冒花鬚
沐出烏雲多態度暈成蛾綠費工夫歸時分付與妝

梳

前調

鷓鴣香

花氣天然百和芬仙風吹過海中春龍涎沈水搃銷魂
清潤巧縈金縷細氤氲偏傍玉肌溫別來長是惜餘
薰

前調

范才元自釀色香並妙直與綠萼梅同調
宛然京洛氣味也因名曰萼綠春且作一

首

萼綠華家萼綠春
山瓶何處下青雲
濃香氣味已醺人
竹葉傳杯驚老眼
松醪題賦倒綸巾
須防銀字暖朱唇

前調

戲簡宇文德和求拈香

花氣蒸濃古鼎煙
水沉春透露華鮮
心清無暇數龍涎
乞與病夫僧帳座
不妨公子醉茵眠
普薰三界埽塵緣

前調

求年例
貢餘香

花氣薰人百和香
少陵佳句是仙方
空教蜂蝶為花忙
和露摘來輕換骨
傍懷聞處慙迴腸
去年時候入思量

前調

殘臘晴寒出衆芳
風流勾引破春光
年年長為此花忙
夜久莫教銀燭地
酒邊何似玉臺粧
冰肌溫處覓餘香

前調

隼几明牕樂未央
薰爐茗椀是家常
客來長揖對胡床
蟹眼湯深輕泛乳
龍涎灰煖細烘香
為君行草寫秋陽

前調

書大同
驛壁

榕葉枕榔驛枕谿
海風吹斷瘴雲低
薄寒初覺到征衣
歲晚可堪歸夢遠
愁深偏恨得書稀
荒庭日脚又垂西

柳梢青

海山浮碧細風絲雨新愁如織慵試春衫不禁宿酒天涯寒食
歸期莫數芳辰誤幾度回廊夜色入戶飛花
隔簾雙燕有誰知得

前調

小樓南陌翠輶金勒誰家春色冷雨吹花禁煙怯柳傷
心行客少年百萬呼盧擁越女吳姬共擲被底香濃
樽前燭滅如今消得

醉花陰

紫樞澤笏趨龍尾平入鈞衡位春殿聽宣麻爭喜登庸
何似今番喜崑臺宜有神仙裔奕世貂蟬貴玉砌長
蘭芽好擁笙歌長向花前醉

前調

春日
思歸

翠箔陰陰籠畫閣昨夜東風惡芳徑滿香泥南陌東郊
惆悵妨行樂傷春比似年時惡潘鬢新來薄何處不
禁愁雨滴花腮和淚臘脂落

長相思

香暖幃玉暖肌嬌卧嗔人來睡遲印殘雙黛眉
蟲聲
低漏聲稀驚枕初醒燈暗時夢歸人未歸

前調

感別

花下愁月下愁花落月明人在樓斷腸春復秋
從他
休任他休如今青鸞不自由看看天盡頭

如夢令

七夕

雨洗青冥風露雲外雙星初度乞巧夜樓空月妬回廊

私語凝佇凝佇不似去年情緒

前調

潮退江南晚渡山閣水西烟雨天氣十分涼斷送一年
殘暑歸去歸去香霧曲屏深處

前調

臥看西湖烟渚綠蓋紅粧無數簾捲曲欄風拂面荷香吹
雨歸去歸去笑損花邊鷗鷺

春光好

疎雨洗細風吹淡黃時不分小亭芳草綠映簷低樓
下十二層梯日長影裏鶯啼倚遍闌干看盡柳憶腰肢

前調

吳綾窄藕絲重一鉤紅翠被眠時要人煖著懷中六
幅裙窄輕風見人遮盡行蹤正是踏青天氣好憶弓弓

虞美人

開殘桃李春方到誰送東風早揜藜幽徑踏餘花却對
綠陰青子問年華迢迢雲水橫清淺不遣愁眉展數

竿修竹自橫斜猶有小牕朱戶似儂家

青玉案

讌趙端禮堂成

華裾玉轡青絲鞵記年少金吾從花底朝回珠翠擁曉
鐘初斷宿酲猶帶綠鑠牕中夢天涯相遇鞭驚鳳去
去堂成更情重月轉簷牙雲遶棟涼吹香霧酒迷歌扇
春筍傳杯送

前調

再和

王孫陌上春風輕藥珠宴雲軒從歸去笙歌常醉擁蠟

殘花炬月侵冰簾，慣作涼堂夢。
玉人勸客釵斜鳳，條脫擎杯腕。
嫌重燕子入簾飛，畫棟雨餘深院漏。
催清夜更，軋秦箏送。

前調

生朝

花王獨占春風遠，看百卉芳菲遍。
五福長隨今日宴，粉光生艷。
寶香飄霧方響流，蘇顛壽祺堂上修篁畔。
乳燕雙雙賀新院，玉笋明年何處勸。
旌幢滿路貂蟬面，歸覲黃金殿。

前調

筠翁
生朝

水芝香遠搖紅影，泛瑞靄橫山頂。
縹緲笙歌雲不定，玉鉤斜挂素蟾初滿。
醉愜浮瓜冷，庭蘭戲綵傳金鼎。
小袖青衫更輝映，誰道筠溪歸計近。
秋風催去鳳池難老，長把中書印。

前調

生朝

銀潢露洗冰輪皎，謫仙下蓬萊島。
簾捲橫山珠翠繞，生朝香霧玳筵絲管長。
醉壺天曉，金鑾夜鐸麻新草入。

輔明光拜元老
看取明年人總道
中興賢相太平時
世
分外風光好

前調

月華冷沁花梢露
芳意戀香肌
住心字龍涎饒
濟楚素馨風味
碎瓊流品別有天然處
圍爐屈曲宜深炷
留取春光向朱戶
綠綺聲中誰暗許
小牕歸去夢回猶記
金鼎分雲縷

前調

賀方回所作世間和韻者多矣余經行松江何啻百回念欲下一轉語了無好懷此

來偶有得當與吾宗椿老輩載酒浩歌西
湖南山間寫我滯思公等不可不入社也

平生百繞垂虹路看萬頃翻雲去山澹夕暉帆影度菱
歌風斷襪羅塵散總是關情處少年陳迹今遲暮走
筆猶能醉時句花底目成心暗許舊家春事覺來客恨
分付疎篷雨

點絳脣

丙寅秋社前一日
溪光亭大雨作

山暗秋雲暝鴉接翅啼榕樹故人何處一夜溪亭雨
夢入新涼只道消殘暑還知否燕將雛去又是流年度

前調

送別

水驛凝霜夜帆風駛潮生曉酒醒寒峭枕底波聲小

好去歸舟有箇人風調君行了此歡應少索共梅花笑

前調

春曉輕雷采蘋洲上清明雨亂雲遮樹黯澹江村路

今夜歸舟綠潤紅香處遙山暮畫樓何許喚取潮回去

前調

畫閣深圍暖紅光裏芳林影暗香成陣上下花相映

倒挂疎枝月落參橫冷休裝景要人酒醒除是花枝並

前調

生朝

嵩洛雲煙間生真相著英裔要知鮑背難老中和氣
報道玉堂已草調元制華夷喜繡裳貂珥便向東山起

前調

呈洛濱詩
鮑二老

清夜沈沈暗蛩啼處簷花落乍涼簾幙香遶屏山角
堪恨歸鴻情似秋雲薄書難托儘教寂寞忘了前時約

前調

醉泛吳淞小舟誰怕東風大
鵝時經過曾向垂虹臥
月淡霜天今夜空清坐還知麼滿斟高和只有君知我

前調

減塑冠兒寶釵金縷雙綏結
怎教寧帖眼兒惱裏劣
韻底人人天與多磨折休分說
放燈時節閑了花和月

前調

水鷗風帆兩眉只解相思皺
悄然難受教我怎唧溜
待得書來不管歸時瘦
嬌癡後是事攔就只這難依口

虞美人

廣寒蟾影開雲路。目斷愁來處。菊花輕泛玉盃空。醉後不知星斗亂西東。今宵入夢陽臺雨。誰忍先歸去。酒醒長是五更鐘。休念舊遊吹帽幾秋風。

前調

西郊追賞尋芳處。聞道衝寒去。雨肥紅綻向南枝。歲晚纔開應是恨春遲。天涯樂事王孫貴。花底還須醉。有人風味勝踈梅。醉裏折花歸去更傳杯。

前調

菊坡九日登高路往事知何處
陵遷谷變總成空回首
十年秋思吹臺東
西牕一夜蕭蕭雨
夢繞中原去
覺來依舊畫樓鐘
不道木樨香撼海山風

漁家傲

題元真子圖

釣笠披雲青嶂繞
樞頭雨細春江渺
白鳥飛來風滿棹
收綸了
漁童拍手樵青笑
明月太虛同一照
浮家泛宅忘昏曉
醉眼冷看城市鬧
烟波老
誰能惹得閑煩惱

茗溪漁隱云張仲宗有漁家散詞余往歲在錢塘與仲宗從游甚久仲宗手寫此詞相示云舊所作也其詞第二句元是撥頭而細春江渺余謂仲宗曰撥頭雖是船名今以雨襯之語晦而病因為改作綠蓑雨細仲宗笑然以為

前調

樓外天寒山欲暮溪邊雪靄藏雲樹小艇風斜沙嘴露
流年度春光已向梅梢住短夢今宵還到否葦村四
望知何處客裏從來無意緒催歸去故園正要鶯花主

前調

奉陪富公季
申探梅有作

寒食西郊湖畔路天低野濶山無數路轉岡斜花滿樹
絲吹雨南枝占得春光住藉草携壺花底去花飛酒

面香浮處老手調羹當獨步須記取坐中都是芳菲侶

謁金門

或則秦處度

鴛鴦渚春漲一江花雨別岸數聲初過櫓晚風生碧樹
艇子相呼相語載取暮愁歸去寒食烟村芳草路愁
來無著處

前調

道山亭餞張椿老赴行在

風露底石上岸巾愁起月到房心天似水亂峰清影裏
此去登瀛須記今夕道山同醉春殿明年人共指玉
皇香案吏

前調

送康伯檜

清光溢影轉畫簷涼入風露一天星斗濕無雲天更碧
滿引送君何惜記取吾曹今夕目斷秋江君到日潮
來風正急

瑞鷓鴣

雛鶯初轉鬪尖新。雙蕊花嬌掌上。身總解、滿斟偏勸客。
多生俱是綺羅人。回波偷顧輕招拍。方響低敲更合。
箏豈蕊梢頭。春欲透。情知巫峽待為雲。

前調

彭德器出示胡
邦衡新句次韻

白衣蒼狗變浮雲。千古功名一聚塵。好是悲歌將進酒。
不妨同賦惜餘春。風光全似中原日。臭味要須我輩人。
雨後飛花知底數。醉來羸取自由身。

好事近

老去更思歸芳草正薰南陌上已又逢寒食歎三年為客
吹花小雨濕秋千閒却好春色天甚不憐人老早
教人歸得

前調

梅潤乍晴天簾捲畫堂風月珠翠共迷香霧是長年時
節
瑤池清夜宴羣仙鸞笙未吹徹西母醉中微笑看
蟠桃初結

前調

春色到花房芳信一枝偏好勾引萬紅千翠為化工呈巧
花姑玉貌笑東風今朝放春早看取鬢邊幙勝永
宜春難老

前調

斗帳炷爐薰花露裛成薌澤縈透雪兒金縷醉玉壺春
色非煙非霧鏤牕中王孫倦遊客不道粉牆南畔也
有人聞得

怨王孫

海棠

小院春晝晴
曉霞透着雨
臙脂倚風翠
袖芳意慙亂
人多暖金荷
多情不分羣
葩後傷春瘦
淺黛眉尖秀
紅潮醉臉半
掩花底重門
怨黃昏

前調

紹興乙丑春二月既望李文中置酒溪閣日暮雨過盡得雲烟變態如對營丘著色

山坐客有歌怨王孫者請予賦其情抱葉子謙為作三弄吹雲裂石旁若無人永福前此所未

見也老子於此興復不淺

霖雨天迴平
林煙暝燈閃
沙汀水生釣
艇樓外柳暗
誰家亂昏鴉
相思怪得今
番甚寒食近
小砑魚牋信
屏

山半掩微醉獨倚闌干恨春寒

喜遷鶯令

送何晉之大著兄
趨朝歌以侑酒

文倚馬筆如掾桂殿蚤登仙舊遊冊府記當年袞繡合
貂蟬慶天申瞻玉座鷓鴣正陪班看君穩步過花甌
歸院引金蓮

鶴冲天

呈富樞密 向亦
作喜遷鶯令誤

雲葉亂月華光羅幕捲新涼玉醅初泛嫩藏黃花露滴
秋香地行仙天上相風度世間人樣懸知洗盞徑開

嘗誰醉伴禪床

喜遷鶯慢

鹿鳴宴作

雁塔題名寶津盼宴盛事簪紳常說文物昭融聖代搜
羅千里爭趨丹闕元侯勸駕鄉老獻書發軔龜前列山
川秀園觀衆多無如閩越豪傑姓標紅紙帖報泥金
春信歸來俱捷驕馬蘆鞭醉垂藍綬吹雪芳原闕二字月素
娥情厚桂花一任郎君折須滿引南臺又是合沙時節

鷓鴣天


不怕微霜點玉肌
恨無流水照冰姿
與君著意從頭看
初見東南第一枝
人散後雪晴時
隴頭春色寄來遲
使君本是花前客
莫怪殷勤為賦詩

憶秦娥

桃花萼雨肥
紅綻東風惡
東風惡
長亭無寐
短書難托
征衫辜負深閨約
禁煙時候春羅薄
多應消瘦可忔
梳掠

欽定四庫全書

卷六



欽定四庫全書

集部

蘆川歸來集卷八

詳校官庶子臣朱紱

主事臣呂雲棟覆勘

謄錄監生臣董誠

謄錄監生臣王人作

欽定四庫全書

蘆川歸來集卷七

宋 張元幹 撰

詞

明月逐人來

燈夕趙端
禮席上

花迷珠翠香飄羅綺簾旌外月華如水暖紅影裏誰會
王孫意最樂昇平景致長記宮中五夜春風鼓吹遊
仙夢輕寒半醉鳳幃未暖歸去薰濃被更問陰晴天氣

小重山

誰向晴窗伴素馨蘭芽初秀發紫檀心國香幽艷最情
深歌白雪祇少一張琴 新月冷光侵醉時花近眼莫
頻斟薛濤箋上楚妃吟空凝睇歸去夢中尋

上西平

一作金人
捧露盤

卧扁舟聞寒雨數佳期又還是輕誤仙姿小樓夢冷覺
來應恨我歸遲鬢雲鬆處枕檀斜露泣花枝 名與利
空縈繫添憔悴漫孤恹得見了說與教知偎香倚暖夜
爐圍定酒溫時任他飛雪灑江天莫下層梯

春光好

為揚聽父侍
兒切鱸作

花恨雨柳嫌風客愁濃坐久霜刀飛碎雪一罇同勞
煩玉指春葱未放筋金盤已空更與箇中尋尺素兩情
通

前調

寒食近踏青時畫堂西可是春來偏倦繡乍生兒香
綿輕拂胭脂加文祿初試斑衣悄没工夫存問我且憐
伊

清平樂

雪晴
送別

亂山深處雪擁溪橋路曉日乍明催客去驚起玉鴉翻
樹翠衾香煖檀灰一枝想見疎梅憑仗東風說與畫
眉人共春回

前調

明珠翠羽小綰同心縷好去吳淞江上路寄與雙魚尺
素蘭橈飛取歸來愁眉待得伊開相見嫣然一笑眼
波先入郎懷

菩薩蠻

見芙蓉

天涯客裏秋容晚
妖紅聊戲思鄉眼
一朶醉深粧羞渠
照鬢霜
開時誰斷送
不待司花共有脚
號陽春芳菲
屬主人

前調

戲呈周介卿

拍堤綠漲桃花水
畫船穩泛東風裏
絲雨濕苔錢
淺寒生禁烟
江山留不住
却載笙歌去
醉倚玉搔頭
幾曾知旅愁

前調

三月晦送春有
集坐中偶書

春來春去催人老
老夫爭肯輸年少
醉後少年狂白髭
殊未妨
插花還起舞
管領風光處
把酒共留春
莫教花笑人

前調

雨餘翠袖瓊膚潤
一枝想像傷春困
老眼見花時
惜花心未衰
釀成誰與醉
應把流蘇綴
淚沁枕囊香
惱儂歸夢長

前調

政和壬辰
東都作

黃鶯啼破紗窗曉
蘭缸一點窺人小
春淺錦屏寒
麝煤金博山
夢回無處覓
細雨梨花濕
正是踏青時
眼前偏少伊

前調

芳林玉蘂生香霧
遊蜂爭採清晨露
芳意著人濃
微烘曲室中
春來瀛海外
沈水迎風碎
好事付餘薰
頻分幾縷雲

樓上曲

樓外夕陽明遠水樓中人倚東風裏何事有情怨別離
低鬟背立君應知東望雲山君去路斷腸迢迢盡愁
處明朝不忍見雲山從今休傍曲欄干

前調

清夜燈前花報喜心隨社燕涼風起雲路修成寶月時
東樓悵望君先歸沉瀟秋香生玉井畫簷深轉梧桐
影看君西去侍明光杯中丹桂一枝芳

豆葉黃

為伯南賦早
梅復和韻

冰溪踈影竹邊春
翠袖天寒迥暮雲
雪裏精神澹佇人
隔重門寶粟生香
玉半溫

前調

踈枝冷藥忽驚春
一點芳心入鬢雲
風韻情知似玉人
笑迎門香煖紅爐
酒未溫

前調

見草堂
別集

輕羅團扇掩微羞
酒滿玻璃花滿頭
小板齊聲唱石州

月如鉤一寸橫波入鬢流

滿庭芳

壽

梁苑春歸章街雪霽柳梢華萼初萌非煙非霧新歲樂
昇平京兆雍容報政金猊過九陌塵輕朝回處青霄路
穩黃色起天庭東風吹綠鬢薄羅剪綵小綰流鶯比
渭濱甲子尚父難兄滿泛椒觴獻壽斑衣侍雲母分屏
明年會雙衣對引談笑秉鈞衡

前調

壽富
樞密

韓國殊勲洛都西內名園甲第相連當年綠鬢獨占地
行仙文彩風流瑞世延朱履絲竹喧闐人皆仰一門相
業心許子孫賢 中興方慶會再逢甲子重數天元問
千齡誰比五福俱全此去沙隄步穩調金鼎七葉貂蟬
香檀緩杯傳鸚鵡新月正娟娟

前調

為趙西
宗壽

玉葉聯芳天潢分潤壽筵長對薰風間平襟度濮鄆行
尊崇忠孝家傳大雅無喜愠一種寬容芝蘭盛綵衣嬉

戲親睦冠西宗
絲綸膺重寄
遙防遷美本鎮恩隆應
萱堂齊福誕月仍同花藥香濃氣暖凝瑞露滿酌金鍾
龍光近星飛驛馬宣入嗣王封

前調

三十年來雲游行化草屨踏破塵沙徧參尊宿曾記到
京華納子如麻似粟誰闕笑瞿老拈花經離亂青山盡
處海角又天涯
今宵閒打睡明朝粥飯隨分僧家把
木佛燒却除是丹霞撞著門徒施主驀然箇喜捨由他

廬陵米還知價例毫髮更無差

瑞鶴仙

壽

喜西園放鑰對燕寢香潤棠陰寒薄東風夜來惡禁煙
時天氣鶯啼花落新晴共約怕韶光容易過却把銅壺
緩泛金杯袂袂嬉遊行樂絃索笙簧聲裏還記蘭房
正垂羅幕初眠柳弱梅如豆玉如琢向鳳凰池上鴛鴦
影裏他年何啻紫橐看流芳繼踵韋平盛傳鞶洛

瑤臺第一層

江左風流鍾間氣洲分二水長鳳凰臺畔投懷玉燕照
社神光豆花初秀雨散暑空洗出秋涼慶生旦正圓蟾
呈瑞仙桂飄香 肝腸挾文摘錦駕雲乘鶴下鵷行紫
樞將命紫微如綽常近君王舊山同梓里荷月旦久已
平章九霞觴薦刀圭丹餌袞繡朝裳

望海潮

癸卯冬為建守趙
季西賦碧雲樓

蒼山烟澹寒谿風定玉簪羅帶綢繆輕靄暮飛青冥遠
淨珠星壁月光浮城際涌層樓正翠簾高捲綠瑣低鈎

影落尊壘氣和歌管共清遊
使君冠世風流擁香鬟
凭檻霧鬢凝眸銀燭煖宵花
光照席譙門莫報更籌逸
興醉無休賦探梅芳信翻曲
新謳想見踈枝冷蘂春意
到沙洲

前調

為富樞密
生朝壽

麒麟圖畫貂蟬冠冕青氈自屬元勲綠野舊遊平泉雅
咏霞舒煙卷朝昏風月小陽春照玳筵珠履公子王孫
雲度崧高影橫伊水慶生申
早梅長醉芳樽況中興

盛際宥密宗臣琳館奉祠金甌覆宇和羹妙手還新光
射紫微垣看五雲朝斗千載逢辰開取八荒壽域一氣
轉洪鈞

十月桃

年華催晚聽樽前偏唱衝暖欺寒樂府誰知分付點化
金丹中原舊遊何在頻入夢老眼空潛撩人冷蘂渾似
當時無語低鬟 有多情多病文園向雪後尋春醉裏
凭欄獨步羣芳此花風度天然羅浮淡粧素質呼翠鳳

飛舞爛斑參橫月落留恨醒來滿地香殘

前調

為富樞
密壽

蟠桃三熟正清霜吹冷愛日烘香小試芳菲時候無限
風光洛濱老人星見闕少室雲物開祥丹青萬彙熊兆
崑臺鳳舉朝陽向元樞曾輔巖廊記名著金甌位入
中堂夢熟鈞天屢驚顛倒衣裳黃髮更宜補袞歸去定
軍國平章管弦珠翠蘭玉簪纓歲歲稱觴

感皇恩

壽

綠髮照魁星平康爭看錦繡肝腸五千卷出逢熙運蚤
侍玉皇香案禁塗楊歷遍紆宸眷安養老成十年蕭
散天要中興相公健生朝開宴長是通宵絃管藕花香
不斷南風遠

前調

壽

年少太平時名園甲第談笑雍容萬鍾貴姚黃重綻長
對小春天氣綺羅叢裏慣今朝醉台袞象賢元樞虛
位壯歲青雲自曾致流霞麟脯難老洛濱風味謝公須

再為蒼生起

前調

壽

荔子著華繁清微庭院賀厦雙飛畫梁燕綺羅叢裏百
和爐香祝願願從今日去身長健 檀板競催榕陰初
轉舞袖風前翠翹顫明年開府錫宴金鍾宣勸壽星朝
北斗君王眷

前調

壽

豹尾引黃旂宣麻金殿雨露恩濃自天遣措紳交譽最

樂至誠為善信知宗姓喜君王眷
寶炬蜜香玉卮波
艷醉擁笙歌夜深院西清班近雅稱元戎同燕要看茅
土相貂蟬面

夏雲峯

丙寅六月
為筠翁壽

湧水輪飛沆瀣霄漢萬里雲開南極瑞占象緯壽應三
台錦腸珠唾鍾間氣卓犖天才正暑月祥光照社玉燕
投懷 新堂深處捧杯乍香泛水芝空翠風迴涼送艷
歌緩舞醉墮瑤釵長生難老都道是栢葉仙階笑傲且

山中宰相平地蓬萊

千秋歲

壽

相門出相和氣濃春釀傳家冠珮雲臺上
龐眉扶壽杖
綠髮披仙斚星兩兩泰階已應昇平象
玉砌蘭芽長
定向東風賞添綵袖褰羅幌
絲簧俱妙手珠翠爭宮樣
江海量年年醉裏翻新唱

水龍吟

周總領
生朝

水晶宮映長城藕花萬頃開浮蘂紅粧翠蓋生
朝時候

湖山搖曳珠露爭圓香風不斷普熏沉水似瑤池侍女
霞裾緩步壽煙光裏霖雨已沾千里兆豐年十分和
氣星郎綠鬢錦波春釀碧筩宜醉荷橐還朝青氈奕世
除書將至看巢龜戲葉蟠挑著子祝三千歲

南鄉子

壽

山寺輞川圖霜葉雲林錦繡居壽筇浮春珠翠擁歡娛
滿院流泉繞綺䟽道氣自膚腴几席輕塵一點無天
要耆英修相業清都已有泥書降玉除

捲珠簾壽

祥景飛光盈袞繡流慶崑臺自是神仙冑誰遣陽和放
春透化工重入丹青手雲璈錦瑟爭為壽玉帶金魚
共願人長久偷取蟠桃薦芳酒更看南極星朝斗

醉蓬萊壽

對小春桃艷曲室爐紅乍寒天氣七葉蓂開應金張通
貴夢草銀鈎燦花珠唾是素來風味滿腹經綸回天議
論崑臺仙裔秘殿陞華紫樞勲舊退步真祠簡心端

宸迎日天元聽正衙宣制盡洗中原徧為霖雨宴後堂
歌吹栢子千秋丹砂九轉今宵長醉

隴頭泉

少年時壯懷誰與重論視文章真成小技要知吾道稱
尊奏公車治安秘計樂油幕談笑從軍百鎰黃金一雙
白壁坐看同輩上青雲事大謬轉頭流落徒走出修門
三十載黃粱未熟滄海揚塵念向來浩歌獨往故園
松菊猶存送飛鴻五絃寓目望爽氣西山忘言整頓乾

坤廓清宇宙男兒此志會須伸更有幾渭川垂釣投老
策奇勛天難問何妨袖手且作閒人

天仙子

三月十二日奉同蘇子陪富丈訪筠翁於舊居遂為杏花留飲懽甚命賦長短句乃得天仙子寫呈兩公未章併發一笑

樓外輕陰春澹佇數點杏梢寒食雨少年油壁記尋芳
梁苑路今何處千樹紅雲空夢去驚見此花須折取
明日滿城傳侍女情知醉裏惜花深留春住聽鶯語一
段風流天付與

鵲橋仙

靚粧豔態嬌波流眄雙靨橫渦半笑樽前燭畔粉生光
更低唱新翻轉調花房結子冰枝清瘦醉倚香濃寒
峭雛鶯新轉上林聲驚夢斷池塘春草

漁父家風

八年不見荔枝紅腸斷故園東風枝霧葉誰新採悵望
冷香濃冰透骨玉開容想筠籠今宵歸夢滿頰天漿
更御冷風

生查子

天生幾種香風味因花見
旖旎透香肌髣髴飛花片
雨潤惜餘薰烟斷猶相戀
不似薄情人濃淡分深淺

減字木蘭花

客亭小會可惜無歡容易醉
歸去更闌細雨鳴窻一夜
寒昏然獨坐舉世踈狂誰似我
強撥爐煙也道今宵
是上元

眼兒媚

秋閨

蕭蕭疎雨滴梧桐人在綺牕中離愁遍遶天涯不盡却在眉峯
嬌波暗落相思淚流破臉邊紅可憐瘦似一枝春柳不奈東風

昭君怨

春晚

春院深深鶯語花怨一簾煙雨禁火已銷魂更黃昏
衾暖麝燈落地雨過重門深夜枕上百般猜未歸來

夜遊宮

半吐寒梅未折雙魚洗水漸初結戶外明簾風任揭擁

紅爐酒窻間惟稷雪 比去年時節這心事有人忺說

斗帳重薰鴛被疊酒微醺管燈花今夜別

楊柳枝

席上次韻
曾穎王

深院今宵枕簟涼燭花光更籌何事促行觴惱剛腸
老去一簑烟雨裏釣滄浪看君鳴鳳向朝陽且腰黃

綵鸞歸令

為張子安
舞姬作

珠履爭圍小立春風趁拍低態閒不管樂催伊整朱衣
粉融香潤隨人勸玉困花嬌越樣宜鳳城燈夜舊家時

數他誰

江神子

夢中北去又南來飽風埃鬢華衰浮水飛蓬踪跡為誰
催自笑自悲還自語一盃酒鼻如雷曉輿行處覺春
回肩瓊瑰糝莓苔病眼衝寒欲閉又還開水近人家籬
落畔遙認得一枝梅

西江月

和蘇庭藻

小閣劣容老子北窓仍遞南風維摩丈室久空空不與

散花同夢 且作太真遊戲未甘金粟龍鍾憐君病後
頰顰隆識取小兒戲弄

訴衷情

余兒時不知有荔子自呼為紅藍父母
賞其名新昔所未聞殊盡形似之美久
欲記之而因循比與諸公和長短句故
及之以訴衷情蓋里中推星毬紅鶴頂
紅皆佳品海舫
便風數日可到

兒時初未識方紅學語問西東對客呼為紅藍此興已
偏濃 嗟白首抗塵容費牢籠星毬何在鶴頂長丹誰
寄南風

採桑子

奉和秦楚村
使君荔枝詞

華堂清暑榕陰重
夢裏江寒火齊星繁興在冰壺玉井
闌風枝露葉誰新採
欲飽防慳遺恨空槃留取香紅
滿地看

菩薩蠻

送友人
還富沙

山城何歲無風雨
樓臺底事隨波去
歸棹望譙門
沙痕炯斷雲
詩成空弔古
想像經行處
陵谷有餘悲
舉觴澆別離

前調

微雲紅襯餘霞綺
明星碧浸銀河水
歌枕畫簷風愁生
草際蛩鴈行離塞
晚不道衡陽遠歸恨隔重山樓高
莫凭欄

浣溪沙

詠木香

睡起中庭月未蹉
繁香隨影上輕羅
多情肯放一春過
比似雪時猶帶韻
不如梅處却緣多
酒邊枕畔奈愁

何

好事近

華燭炯離觴山吐四更寒月公子唾花枝玉盡一時豪
傑三冬蘭若讀書燈想見太清絕紙帳地爐香煖傲
一牕風月

南歌子

玉斧修圓了永輪分外清共看星向繡衣明元是生朝
為壽對難兄鴻鴈翻秋影塤箎和笑聲他年中令綵
衣榮記取今宵丹荔醉瑤觥

醉花陰

詠木犀

紫菊紅萸開犯早，獨占秋光老。
醞造一般清，比著芝蘭，猶自爭多少。
霜刀剪葉呈纖巧，手撚迎人笑。
雲鬢一枝斜，小閣幽窓，是處都香了。

點絳脣

小雨愔晴，坐來池上荷珠碎。
掉眉濃翠，怎不教人醉。
美眄流觴，白鷺窺秋水。
天然媚，大家休睡，笑倚西風裏。

花心動

七夕

水館風亭晚香濃一番芰荷新雨簾枕乍閑襟裾初試
散盡滿天溽暑斷雲却送輕雷去踈林外玉鉤微吐夜
漸永秋驚敗葉涼生庭戶天上佳期久阻銀河畔仙
車縹緲雲路舊怨未平幽懽闕駐恨入半天風露綺羅
人散金猊冷醉魂到華胥深處洞戶悄南樓畫角自語

驀山溪

一番小雨陡覺添秋色桐葉下銀牀又送個淒涼消息
故鄉何處搔首對西風衣線斷帶圍寬衰鬢添新白

錢塘江上冠蓋如雲積
騎馬傍朱門誰肯念塵埃
墨客
佳人信杳日暮碧雲深
樓獨倚鏡頻看此意無人識

踏莎行

別意
草堂別選

芳草平沙斜陽遠樹無情
桃葉江頭渡醉來扶上木蘭
舟將愁不去將人去
薄劣東風天斜飛絮
明朝重覓
吹笙路碧雲香雨小樓空
春光已到銷魂處

